

De Torino al Aru?o: invito al esperantista kongreso en Afriko

Image not found or type unknown



Foto: uea

El Esperantujo ni diskonigas informon el la Estrara Komuniko 49 sendita de Stefan MacGill pri invito al la venonta UK en Afriko.

La informo sciigas ke en Torino, kadre de la 108-a Universala Kongreso, partoprenis homoj el ?iuj kontinentoj. Afriko aparte estis reprezentita per aktivuloj el Angolo, Benino, Burundo, Madagaskaro, Ni?erio, Tanzanio kaj Togolando. Temis pri senprecedenca nombro de afrikaj partoprenantoj.

Ĝenerale estis bonegaj impresoj pri la renkontiĝo kaj pri la gastiganta urbo Torino. Multnombre kongresanoj ĉeestis la oficialan prezenton de John Magessa pri la venontjara Universala Kongreso, la unua en Afriko!

Leviĝis oportune demandoj kaj venis kontentigaj respondoj jen de la LKK, jen de la Kongresa fako de UEA, jen de homoj alikontinentaj, kiuj iam vizitis Afrikon. Espereble, ĉio estis nun sufiĉe klara (kompreneble oni povas ankoraŭ, skribi, demandi, se oni bezonas pli da klarigoj)! Jam ne plu estas kialo por ne vojaĝi al Afriko.

En Aruŝo ekzistas ĉiuj servoj, kiujn oni trovas en ĉiuj grandaj urboj: diversaj hoteloj, busoj, ATM-aŭtomatoj, polico, bankoj, apotekoj, malsanulejoj ktp. Kaj plia bona novaĵo: por alikontinentanoj ne estas devigo havi vakcinon por eniri Tanzanion! Bonvolu jam nun komenci plani vian vojaĝon al la 109-a UK.

Aruŝo ĉojas bonvenigi vin ĉiujn por spertigi vin pri la bunteco kaj riĉeco de Tanzanio, la hejmo de gravaj mirindaĵoj. Tie la LKK preparas por vi agrable neforgeseblan kongreson en 2024. La kongresa temo estas: 'Lingvo, homo kaj medio por pli bona mondo'. Bonvolu konsideri...kaj nun aliĝi al la 109-a Universala Kongreso por ĉui la plej favoreprezan aliĝperiodon!

Jen la invito de UEA al la 109-a UK en Afriko, en Aruŝo, Tanzanio!.

<https://www.radiohc.cu/index.php/eo/especiales/exclusivas/332709-de-torino-al-aruso-invito-al-esperantista-kongreso-en-afriko>



Radio Habana Cuba